



Pou Piblikasyon Imedya: 28/01/2020

GOUVÈNÈ ANDREW M. CUOMO

GOUVÈNÈ CUOMO SÒTI MIZAJOU SOU NOUVO CORONAVIRUS LA PASKE GEN YON NOUYÒKÈ ANPLIS KI IDANTIFYE POU TÈS, SA KI BAY YON TOTAL DIS

Yo Jwenn Echantiyon nan Sèt Moun ki Negatif nan CDC a, avèk Twa Rezilta ki Toujou Annatant

Pa Ko Gen Ka ke yo Konfime nan Eta New York

Gouvènè a Mande Depatman Sante Eta a pou Siveye Deprè ak Kontinye Peparasyon yo

Jodi a Gouvènè Andrew M. Cuomo te anonse yon mizajou sou eta tè s pou nouvo coronavirus nan Eta New York la. Jiska jounen jodi a, Depatman Sante (Department of Health) Eta New York voye echantiyon pou 10 moun nan CDC a pou fè tè epi yo jwenn sèt ki negatif e gen twa anplis ki toujou annatant. Jiska prezan, pa gen ka ke yo konfime nan Eta New York.

"Pandan ke nou kontinye siveye deprè pwopagasyon nouvo coronavirus sa a, mwen mande Depatman Sante nou an pou kontinye kominike ak mete ajou kominote lokal nou yo, founisè swen sante yo, kolèj yo, inivèsite ak konpayi New York yo ki gen kote oswa ki gen enterè fè biznis an Chin", **Gouvènè Cuomo te deklare**. "Mesaj mwen pou Nouyòkè yo se: pran coronavirus sa o serye, pran prekosyon ki apwopriye, rete enfòmè, men tou rete konfyant ke Depatman Sante nou an ak administrasyon sa ap prepare epi nou pare."

Depatman Sante a kontinye bay kolèj ak inivèsite New York yo enstruksyon, anpil ladan yo gen etidyan entènasyonal ki soti an Chin, sou fason pou idantifye viris la, mete etidyan yo ajou epi ankouraje mezi prevansyon.

Gen plis enfòmasyon konsènan coronavirus disponib [isit la](#).

Komisè Depatman Sante Eta New York la, Doktè Howard Zucker, te deklare, "Nou ankouraje tout Nouyòkè pou yo pran prekosyon nòmal kont maladi, tankou lave men yo regilyèman epi evite kontak pre ak moun ki malad. Nou pral kontinye travay avèk patnè nou yo nan CDC a ak ozalantou Eta a epi ede nan nenpòt fason ki nesèsè pou asire sante tout Nouyòkè yo".

Sentòm coronavirus la ka enkli:

- Tous

- Gòjfèmal
- Lafyèv

Byenke pa genyen vaksen kont coronavirus la aktyèlman, mezi prevantiv chak jou ka ede stope pwopagasyon sa ak lòt viris respiratwa yo ki enkli:

- Lave men ou souvan ak dlo pandan omwen 20 segond. Si pa gen savon ak dlo ki disponi, itilize dezenfektan pou men abaz alkòl.
- Evite touche zye, nen ak bouch ou ak men ki pa lave
- Evite kontak pre ak moun ki malad.
- Rete lakay ou lè ou malad.
- Kouvri tous ak etèniman ou ak yon papye, apre sa jete papye a nan poubèl.
- Netwaye epi dezenfekte objè ak sifas ou touche souvan.
- Moun k ap eksperimante sentòm yo e ki ka te vwayaje nan zòn ki konsène yo, oubyen ki ka te an kontak ak yon moun ki te vwayaje nan zòn sa yo, ta dwe rele pwofesyonèl swen sante yo a alavans anvan yo prezante pou trètman.

Pou jwenn plis enfòmasyon sou entèvansyon kontinyèl Eta New York pou Nouvo Coronavirus la, gade:

<https://www.governor.ny.gov/news/governor-cuomo-issues-update-novel-coronavirus-two-more-new-yorkers-identified-testing-bringing>

<https://www.governor.ny.gov/news/governor-cuomo-announces-states-continued-response-novel-coronavirus-three-more-individuals-are>

<https://www.governor.ny.gov/news/governor-cuomo-outlines-state-response-first-two-confirmed-cases-novel-coronavirus-united>

###

Lòt nouvèl disponib sou sitwèb www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)